

元詩選

卷四之卷五

元詩選
卷四之卷五
PD

示詩選卷四目錄

余 關八首

王 翰三首

鄭 玉二首

李 初五首

陳 高十三首

黃鎮成六首

胡天游九首

鄭元祐一首

周伯琦二首

陳基十一首

張憲十一首

陳晉一首

郭麟孫一首

房皞一首

曹之謙二首

盧摯二首

滕斌一首

馮子振一首

周馳一首

聶古柏一首

張起巖一首

曹元用一首

繆鑑一首

汪珍五首

柯九思三首

李序一首

李裕一首

王都中一首

王艮一首

李源道一首

陳德永一首

陳天錫一首

彭炳一首

汪澤民一首

張天錫二首

卞思義二首

昂吉一首

陳意一首

方行三首

高明二首

陳方一首

潘純五首

鄭東二首

李元珪二首

衛仁近一首

文質一首

周砥四首

王鑑一首

何景福一首

陸居仁一首

羅蒙正四首

周 棐二首

許 恕五首

呂 誠一首

元詩選卷四

無錫顧奎光星五選輯

陶瀚昆謀

參評

陶玉禾昆穀

俞

關八首

白馬誰家子

白馬誰家子。綠轡縵胡纓。腰間雙寶劍。璀璨雪花
明。甫出金華省。還過五鳳城。君王賜顏色。七寶奉
威聲。夜入瓊樓飲。金尊滿繡楹。燕姬陳屢舞。楚女

定心詩俊逸
平岸鮑謝氣
體最高

奏鳴箏慷慨顧賓從。英風四座生。一朝富貴盡不
如。秋草榮黠。棄固貧賤。千載有餘名。

送劉伯溫之江西廉使得雲字

祖帳依山館。車蓋何繽紛。使君驅駟馬。衣上繡成
文。中坐陳綺席。羽觴流薄薰。情多酒行急。意促歌
吹殷。况我同鄉友。同館復離羣。明賜麗神臯。遙望
澄遠氛。迴鑣望雙闕。五色若卿雲。蒼茫歲年阻。東
西岐路分。道長會日遠。何以奉殷勤。惟有凌霜柏。
天寒可贈君。

秋興亭

涉江登危榭。引望二川流。雙城共臨水。兩岸起飛樓。
漢渚深初綠。江臯迥易秋。金風揚素浪。丹霞麗綵舟。
登高及佳日。能賦命良儔。御者奉旨酒。庖人供膳羞。
一爲山水媚。能令車騎留。爲語同懷者。有暇即來遊。

呂公亭

律句却帶古
體風格甚老

鄂渚江漢會。茲亭宅其幽。我來窺石鏡。兼得眺芳洲。
遠岫雲中沒。春江雨外流。何如乘白鶴。吹笛過南樓。

蘭亭

奉節過東鄙。總轡臨越墟。覽此崇山阿。亭樹猶晉
餘。陽林積珍木。楔館䟽鏤渠。微風旋輕瀨。宛委寫
成書。秋杪霜露茲。清商滿縣隅。紅蓮凋綺蘂。微瀾
見躍魚。藉芳泛羽觴。眡聽良有娛。逍遙太化內。豈
必三月初。

安慶郡庠後亭讌董僉事

鯨鯢起襄漢。郡邑盡燒殘。茲城獨完好。使者一開
顏。省風降文囿。弭節遵曲干。雙池夾行徑。累榭在
雲間。天淨羣峰出。地迥蒼江環。霞生射蛟臺。雁沒
逢龍山。開樽華堂上。命酌頗危闌。主及送瑤爵。但

云嘉會難。豈爲杯酒歡樂此。罷民安。魄淵無恒彩。

清川有急瀾。明晨起驂服。相望阻重關。

送李伯實下第還江西

起筆鍊而逸
但首句與第
七句兩意字
複

之子不得意。南行無怨辭。官河人杳杳。客路雨絲絲。古木淮陰市。春城孺子祠。悽然千里意。爲賦小星詩。

雨中過長沙湖

細雨灑秋色。平湖生白波。客心貪路急。帆腹受風多。落木生秋思。驚禽避棹歌。舟行不借酒。兀坐奈愁何。

三四一情一
景筆法變化

王翰 三首

挽柏僉院

柏君挺挺英雄姿。出佐薇省丁時危。愁聞兩浙已
瓦解。江南民命猶懸絲。樓船一旦下江水。殺氣兵
氛壓城壘。大臣夙駕思棄城。戰士銷魂將心死。臣
雖力困肝膽存。臣當殺身思報恩。誓將一木支顏
厦。肯豎降旗登轅門。人生恩愛豈不顧。詎忍貪生
負天子。半空煙漲樓宇紅。盡室覓飛劍。光紫嗚呼
氣分光岳。臣道衰。責降授節紛陸離。巍巍廊廟已
如此。扶持世教非公誰。扶持世教非公誰。

遊雁湖

即景寓情白
覺悽婉

雁去湖空野水深。秋風吹客上遙岑。丹楓盡逐孤
臣淚。黃菊空憐處士心。雨後諸峰浮夕靄。霜前一
葉送寒陰。停車欲問當年事。尺素何由到上林。

和馬子英見寄韻

十年流落向炎州。判與劉伶作醉遊。望國孤忠徒
自憤。持身直道更何求。浮雲往事驚春夢。落日窮
途起莫愁。賴有故人相憶在。徧題尺牘海西頭。

鄭

玉
二首

師山書樓成唐長孺先生賦詩見寄吹韻

居山日夕見山容。環堵蕭然一畝宮。我喜煙雲來
几上。人看樓閣出空中。夜深月色偏明朗。曉起嵐
光更鬱蔥。若比羊裘軒上景。臨江惟欠一絲風。

次韻述懷

家住江南黃葉邨。繩樞瓮牖席爲門。自罹盜賊人
傳死。重見交遊我幸存。焦土更無遺簡策。供厨惟
有舊匏尊。黃巾迎拜何爲者。自愧疎慵不足論。

李

祁

五首

斗室爲江士瞻賦

移舟向溪渚。結屋依山阿。從容漁釣閑。樂意何其

着此二語通
高閣大

多。天。光。入。戶。牖。萬。象。皆。森。羅。援。琴。奏。逸。響。清。飈。振。
林。柯。亦。有。素。心。人。酒。熟。時。相。過。誰。云。一。室。陋。褊。迫。
無。透。迤。所。嗟。今。世。士。締。構。高。嵯。峨。西。棟。隔。飛。鳥。朱。
薨。映。清。波。一。朝。壽。命。盡。歎。息。將。奈。何。日。月。互。顯。晦。
乾。坤。相。盪。摩。願。言。處。茲。室。樂。哉。聊。永。歌。

次王子讓韻

哀怨之音

老。淚。縱。橫。憶。舊。京。夢。中。岐。路。欠。分。明。天。涯。自。信。甘。
流。落。海。內。誰。堪。托。死。生。短。策。未。容。還。故。里。片。帆。只。
欲。駕。滄。瀛。他。年。便。作。芙。蓉。主。慟。悽。當。時。石。曼。卿。
城。郭。人。民。事。事。非。空。餘。塵。土。滿。征。衣。君。猶。有。道。堪。

七字沉痛

流俗我已無家不念歸。天地晦冥龍去遠。江湖寥落雁來稀。極知此後還相憶。愁見青山映夕暉。

次賀琴南韻

茅屋秋風古道傍。衰容不似去年強。漢廷無夢陳三策。楚水空懷賦九章。落日亂鴉紅樹老。斷雲孤雁碧天長。相思無限關心事。不爲催詩急雨忙。

山居首夏十首示外孫陳祖蘭

錄一

前年新覓數枝梅。移向庭前手自栽。惆悵近來風土薄。殷勤難得一枝開。

無端寄托別
有感慨

陳高

十三首